

Program literasi digital sistematis kurangkan risiko dunia internet

Kuala Lumpur: Program dan promosi literasi digital penting untuk memastikan masyarakat faham dan fasih dengan aspek penggunaan digital serta tidak mendedahkan diri kepada risiko bahaya internet.

Pengerusi Ikatan Komuniti Selamat, Tan Sri Lee Lam Thye, berkata langkah ini juga membantu mengurangkan kegiatan 'scam' atau penipuan yang sering berlaku seperti dilihat melalui media dan laporan polis.

Katanya, ini termasuk sindiket Macau Scam, love scam, penipuan pinjaman dan kegiatan keldai akaun.


"Semua kegiatan ini membatikan kerugian besar, walaupun Polis Diraja Malaysia (PDRM) melaksanakan banyak inisiatif untuk menangani kegiatan ini, termasuk menyediakan platform semakan nombor telefon dan nombor akaun scammer.

"Saya berpendapat ia tidak mencukupi dalam memperbaiki literasi digital, terutama dalam kalangan kanak-kanak dan remaja," katanya dalam kenyataan, semalam.

Beliau berkata, tanpa pengetahuan betul mengenai internet dan teknologi berfungsi, ia boleh membahayakan kesejahteraan psikologi serta mental mereka.

Sehubungan itu, beliau berharap kementerian terbabit dapat merancang secara sistematis dan konsisten program literasi digital supaya dapat mengurangkan risiko dunia internet.

"Literasi digital penting dan perlu disertakan dalam kurikulum sekolah bermula seawal sekolah rendah supaya generasi muda dapat dilindungi daripada sindiket dan penjenayah perdagangan," katanya.



Langkah ini juga bantu kurangkan kegiatan 'scam' atau penipuan yang sering berlaku seperti dilihat melalui media dan laporan polis.

Lee Lam Thye,
Pengerusi Ikatan Komuniti Selamat